



# 3 is GENOEG

'n saam-glo dissipelskap gesprek

Biduur: 8 - 14 September 2019

## 3 STAPPE

'n 3iG-groep is 'n saam-glo groep wat deur bid, groei en dien Jesus dieper volg. Drie mense wat kies om saam te bid, saam te luister en saam ons geloof te leef.

## 2 ANDER

Dit is slegs ek en 2 vriende wat 'n spontane groep vorm. Dit kan egter ook uit meer as drie mense wees: ons familie of vriende of kollegas of mense in die gemeente.

## 1 GESPREK

Ons maak weekliks met mekaar kontak (deur 'n koffie-afspraak of telefonies) rondom die gefokusde saam-gesels van die week. Die leier-wat elke week wissel-sorg dat ons mekaar daardie week sien.

### saam B.I.D

Ons vind nie tyd vir gebed nie, ons maak dit.

#### B. I. D. staan vir:

**B:** Bely teenoor God Wie Hy vir jou is én bely ook jou gesukkel vir Hom.

**I:** Intree vir ander (bv. Jou 3iG-lede, jou familie, wêreld, ens. ).

**D:** dankie-sê, maak daagliks jou dankie-lys en dank God daarvoor.

**LEWENS-LEUSE:** Bely ook elke oggend en aand **1 Kor. 9: 23** se waarheid: "Dit alles doen ek ter wille van die evangelie, sodat ek aan die vrug daarvan deel kan hê. "

Hierdie kort briefie is 'n pragtige voorbeeld van genade en takt, en toon vir ons duidelik hoe Christus se krag 'n mens se lewe en sy verhouding met ander heeltemal kan omvorm. In die brief pleit Paulus by Filemon om nie teen sy slaaf Onesimus op te tree nie.

Dink aan dat die karakters van die brief in eenvoudige taal. Paulus is die skrywer van die brief, maar hy is in die gevangenis. Hy skryf 'n brief aan Filemon, 'n vriend van hom en 'n lidmaat van die gemeente in Kolosse.

Paulus het op een of ander manier vriende gemaak met Onesimus. Maar Onesimus was in die moeilikheid want hy is 'n slaaf van Filemon wat weggeloop het- hy kon doodgemaak word daarvoor. En dan stuur Paulus die slaaf terug na sy eienaar met die versoek dat hy die weggeloopte slaaf sal vergewe.



Ons lees nie die Bybel nie, ons laat die Bybel ons lees.

### saam GESELS

Jesus verwag van ons minder nastaar (admiration) en meer naleef (imitation.)

1. Die kort boek Filemon is eintlik maar 'n persoonlike brief van Paulus aan sy vriend waarin hy pleit vir die jong man Onesimus. 2. 'n Mens kon vra hoekom dit ook in die Bybel opgeneem is maar dis leer ons hoe christene met mekaar praat en vir mekaar opkom. 3. God het Onesimus se lewe nuut gemaak, maar dit moes ook 'n invloed hê op sy verhouding met sy eienaar. 4. Wat leer ons in die verhaal oor God se wil vir gelowiges se houding teenoor mekaar? 5. In ons dag is die gebruik van slawe onbekend. Daar is egter ander vorme van skeidsure wat tussen mense gebou word. 6. Noem 'n paar hiervan op. Hoe kan ons as groep (en as individue) meewerk om verbroke verhoudings in ons samelewing te herstel?

Geloofsgewoonte: **Om God se beloftes in sy Woord te memoriseer.** Met hierdie geloofsgewoonte leer ons om deur middel van herhaling God se lewegewende beloftes te alle tye en onder alle omstandighede aan vas te hou, ten einde die geloof in ons aan te vuur.

Lees hieroor Ps. 119:11, 97; Luk. 24:8; 2 Pet. 1:13, 15; Jes. 62:6.

#### Doen-dinge:

1. Leer om van die liedere in die Liedboek van die Kerk, wat vir jou besondere betekenis het, te memoriseer.
2. Skryf 'n belofte van die Here wat jy raakgelees het op 'n kaartjie en plak dit teen die yskas of speël Lees die belofte elke dag en herhaal dit totdat jy dit ken. Wanneer jy die belofte ken, beweeg dan eers na die volgende belofte en memoriseer dit op dieselfde wyse.
3. Probeer om 'n hele hoofstuk in die Bybel wat jou na aan die hart lê te memoriseer.

#### Dink-dinge:

1. Wat, dink jy, is die voordele daarvan om Bybelbeloftes te memoriseer?
2. As jy in eensame afsondering aangehou sou word, waaraan sou jy uit die Bybel kon vashou?
3. Dink na oor beloftes wat jy met ander in moeilike omstandighede kan deel.



Eers vorm ons gewoontes en dan vorm die gewoontes ons.